



24. ՏԸՂԱՆ ՀՈՐԸ ՓԵՇԱԿԸՆ Ա ՍԸՎԵՐԸՄ

Ինո՞ւմ ա, չինո՞ւմ մին մարթ մին կընեգլ, ըտհանց ինո՞ւմ ա մին տըղա: Մարթը շատ լճվ վըերս անող ա ինո՞ւմ: Պըռավըմ ա, կնգանը ասըմ.— Դե յըես ըսօր՝ էքյուլց մըռնըլական ըմ, ամմա հանց կանիս խոխան փեշակըս սըվերե վուչ հա՛: Պեն ա, վեր քյըեզ անշուկ չօնե՛, կասիս, վեր միշտ աչ ղոլի յրա վըերսե քյինի:

Հա՛րը մեռնըմ ա: Կնեգլը, տղան վեր մըծանըմ ա, տանըմ ա, թա՛ փեշակու տա: Հինչ փեշակու տամ ա՛, տըղան փախճում ա, կյամ, հինչ փեշակու տամ ա, փախճում ա, կյամ:

Վեր մըծանըմ ա, տըղան հոր թվանգյը յոր ա օնըմ, պատրոն-դաշը կապում, քյինո՞ւմ:

Քյինո՞ւմ ա միշտ բիդի աչ, վըերս անըմ, կյամ տոն:

Մին օր էլ ասըմ ա. «Բիդի ծեխ ըմ քյինանկան»:

Բիդի ծեխ վեր քյուռնո՞ւմ ա, շատ ա քյուռնո՞ւմ, թա՛ խրեդյ, մին էլ ա տըեսնըմ մին ալավ ա ըռըչան կյամ: Թվանգյը թուշ ա օնըմ, յըրա անըմ հանգյո՞ւմ ա, քյինո՞ւմ ա տեսնում մին ղուշ ա վեր ընգած, ամմա հա՛լա սաղ: Պիրում ա տոն, վեր տանն ա տինո՞ւմ, հանց իշեղ ա տամ, քըշեր-ցիրեկ, վեր լոխ մաթ ըն մընըմ:

Թաքավերը ըտրա սա՛սը վեր ըսկանում ա, հրամմայում ա, կյամ ըն ըտրա տանան ղուշը տանըմ թաքավերեն պալատը:

Էտ ղուշը լոն ա տամ, ամմա խրեդյ ա լոն տամ: Թաքավերը հըվաքըմ ա ուրա՛ն իմաստուններեն, ժողով ըն անըմ:

Թաքավերը ասըմ ա.— Դե հո՛ւնց բիդի անինքյ, վեր ես ղուշը

լուս տա, մին իմաստուն ասում ա.— Թաքավերըն ապրած կենա, վեր փիղու վըսկեռա տոն շինիս, էտ դուշը մաշին տինիս, սաղ թաքավերոթունիտ լուս կտա:

— Պա հո՛ւ կանե, հո՛ւ շանել:

Մին իմաստուն էն բուրշան ասում ա.— էտ լուսը պիրող տըղան կպիրի:

Թաքավերը ասում ա.— էտ տըղեն ծեն տըվեք, կյա ըստեղ:

Ծեն ըն տամ, պիրում թաքավերեն կոշտը:

Թաքավերը ասում ա.— Յա քյինի փիղու վըսկեռ պեր, վեր մին պալատ շինին, յա էլ կըլիսըտ կըտըրլական ըմ:

էտ տըղան ասում ա.— Դե մին օր մոհլաթ տո, մըտածիմ:

Տըղան տուս ա կյամ, ըեքլեփ մին հըղըցավ քինիյիս, մին մեծ մարթ ա շհում, ասում.— Վերթիս, խե՛ ըեքլեփ ըս:

Տըղան նաղլ ա անում, վեր թաքավերը իստի, իստի պեն ա ասում:

էտ պառավ մարթը ասում ա.— Դարդ մեր անել, քյինի թաքավերան քառասուն օղտապեռնը կյինի օղի, քառասուն օղտապեռնը արաղ: Վեր տա, կըտանիս փիղեն աշխարքը, էն ա ընդեղ մին քյահ-րիզ կա, ամմեն քյունող կյամ ա ճուր խըմըմ: Քյահրիղը կըկըտրիս, կյինին, արաղը ածիս մաշը: Փիղերը կըլանկան ըն խըմի՛ն, հար-փին: Տու կյողը կկենաս, վեր խըմին վեր տեռնան, կըսկսիս վըս-կըռքըհան անելը: Վըսկեռը օղտերեն կըպեռնիս, պիրիս:

էտ տըղան մին խիլլա շնուրհակալ ա տեռնըմ: Նտնան կյամ ա, թա՛.— Թաքավերը ապրած կըենա, դե քյինիլը քյինում ըմ, մինակ քառասուն պեռնը կյինի, քառասունն էլ արաղ պիղի տաս:

Թաքավերն ասում ա.— Աշկես յըրա:

Հըրամմայըմ ա, դաստի պեռնըմ ըն օղտերը, էտ տըղեն տամ: Օղտերը ուրուր անա կապըմ ա, մինին կապան փըռնում, հայդա քյինում, յա՛ բա՛խտ, հի՛նչ կինի՛, կինի՛:

Քյինում ա, քյինում, հըսնում ա էն քյըհրիղեն: Ծոնը կըտրում ա: Վեր կյամ ա քյսօրեն վախտը, կյինին նան արաղը ածըմ ա նավը, լըցնում, ինքյը կյողը կենում: Տեսնըմ ա ըհը՛ էն ա փիղերը կյամ ըն: Մին թող ա պիցրանըմ, սաղ աշխարքը օնում ա:

Կյամ ըն, հի՛նչ ըն կյամ... Նկեն, եկեն խըմեցեն, վեր տեռեն, խմեցեն, վեր տեռեն...

էն տըղան դաման քաշում ա, շընըրներեն ինում, լոխճին մըր-թոտում ա, վըսկըռըհան անըմ, վըսկեռը սարու նըման կյուտում ա: Վեր լոխ մորթում ա, վըսկեռն ճոկում, պիրում ա օղտերեն պեռնըմ, կյամ:

Խաբարը կամ ա, վեր տըղան վրեսկեռը պիրում ա:
Էտ տըղան պիրում ա Թաքավերեն պըլատեն ըռաշին վեր ածում:
Պիրըմ ըն մին պալատ շինում փիղու վրեսկեռա, էն ղուշը տիննում
մաշին, սաղ ուրան Թաքավերոթունը լուսավերմ:

Էտ Թաքավերը տըղեն ասըմ ա.— Հինչ ըս օղում:

Տըղան ասըմ ա.— Ախճիգլըտ:

Թաքավերը պիրում ա էտ տըղեն փսակում, տիննում ուրան
պըլատըմը, Թաքավերոթունեն կեսըն էլ տամ ուրան:

Էտ տըղան ուրան մարը պիրում ա կոշտը, առոք, փառոք ապ-
րում ըն:

